



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԼԽԱՎՈՐ ԴԱՏԱԽԱԶՁ

ՆՐԱՄԱՆ № 125-L

« 29 » 12 2022 թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴԱՏԱԽԱԶՈՒԹՅԱՆ
«ՕՐԻՆԱԿԱՆՈՒԹՅՈՒՆ» ԳԻՏԱԳՈՐԾՆԱԿԱՆ ՊԱՐԲԵՐԱԿԱՆԻ
ԽՄԲԱԳՐԱԿԱՆ ԽՈՐՀՐԴԻ ԿԱԶՄԸ ՀԱՍՏԱՏԵԼՈՒ ԵՎ ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ԳԼԽԱՎՈՐ ԴԱՏԱԽԱԶԻ՝ 2016 ԹՎԱԿԱՆԻ
ՀՈԿՏԵՄԲԵՐԻ 18-Ի N 87 ՀՐԱՄԱՆՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Հայաստանի Հանրապետության դատախազության «Օրինականություն» գիտագործնական պարբերականի խմբագրական, հրապարակման աշխատանքների արդյունավետ իրականացման, պարբերականում տպագրվող գիտական հոդվածները միջազգային չափանիշներին համապատասխանեցնելու, ինչպես նաև այդ աշխատանքների ղեկավարման համար խմբագրական խորհրդի կազմը հաստատելու նպատակով, ղեկավարվելով «Դատախազության մասին» Հայաստանի Հանրապետության օրենքի 9-րդ հոդվածի 2-րդ մասի 7-րդ կետով և 30-րդ հոդվածի 3-րդ մասով, «Նորմատիվ-իրավական ակտերի մասին» Հայաստանի Հանրապետության օրենքի 33-րդ և 34-րդ հոդվածներով՝

Հ ր ա մ ա յ ու մ ե մ՝

1. Հաստատել Հայաստանի Հանրապետության դատախազության «Օրինականություն» գիտագործնական պարբերականի խմբագրական խորհրդի կազմը՝

Անահիտ Մանասյան -

իրավաբանական գիտությունների թեկնածու, ԵՊՀ սահմանադրական իրավունքի ամբիոնի դոցենտ, ՀՀ գլխավոր դատախազի տեղակալ (խորհրդի նախագահ),

Արթուր Ղամբարյան -

իրավաբանական գիտությունների դոկտոր, պրոֆեսոր, Հայ-ռուսական համալսարանի իրավունքի և քաղաքականության ինստիտուտի իրավունքի տեսության և սահմանադրական

իրավունքի ամբիոնի վարիչ
(համաձայնությամբ),

Հաննա Սուխոցկա -

իրավաբանական գիտությունների դոկտոր,
պրոֆեսոր, Եվրոպայի խորհրդի
«Ժողովրդավարություն՝ իրավունքի միջոցով»
Եվրոպական հանձնաժողովի (Վենետիկի
հանձնաժողով) պատվավոր նախագահ,
Պոզնանի Ադամ Միցկևիչի անվան
համալսարանի սահմանադրական իրավունքի
ամբիոնի վարիչ, Լեհաստանի նախկին
վարչապետ (համաձայնությամբ),

Յանիս Պլեպս -

իրավաբանական գիտությունների դոկտոր,
Լատվիայի համալսարանի իրավագիտության
ֆակուլտետի իրավունքի տեսության և
պատմության ամբիոնի դոցենտ, Լատվիայի
Գերագույն դատարանի դատավոր
(համաձայնությամբ),

Ռոման Մելնիկ -

իրավաբանական գիտությունների դոկտոր,
պրոֆեսոր, Մ.Ս. Նարիկբաևի անվան KAZGUU
համալսարանի իրավունքի բարձրագույն
դպրոցի պրոֆեսոր (համաձայնությամբ),

Լեոնիդ Գոլովկո -

իրավաբանական գիտությունների դոկտոր,
պրոֆեսոր, Մ.Վ. Լոմոնոսովի անվան Մոսկվայի
պետական համալսարանի իրավագիտության
ֆակուլտետի քրեական դատավարության,
արդարադատության և դատախազական
վերահսկողության ամբիոնի վարիչ
(համաձայնությամբ),

Իգոր Կրավեց -

իրավաբանական գիտությունների դոկտոր,
պրոֆեսոր, Նովոսիբիրսկի պետական
համալսարանի պետության և իրավունքի
տեսության ու պատմության և
սահմանադրական իրավունքի ամբիոնի վարիչ
(համաձայնությամբ),

Նորբերտ Բերնսդորֆ -

իրավաբանական գիտությունների դոկտոր,
Մարբուրգի Ֆիլիպսի անվան համալսարանի
պատվավոր պրոֆեսոր, Հիմնարար
իրավունքների Եվրոպական միության
խարտիայի ազգային փորձագետ (Վիեննա),

Դաշնային սոցիալական դատարանի նախկին
դատավոր (համաձայնությամբ):

2. Սույն հրամանն ուժի մեջ է մտնում հրապարակմանը հաջորդող օրվանից:

3. Սույն հրամանն ուժի մեջ մտնելու պահից ուժը կորցրած ճանաչել Հայաստանի Հանրապետության գլխավոր դատախազի 2016 թվականի հոկտեմբերի 18-ի «Հայաստանի Հանրապետության դատախազության «Օրինականություն» գիտագործնական և ուսումնամեթոդական հանդեսի խմբագրական խորհրդի կազմը հաստատելու մասին» N 87 հրամանը:

4. Սույն հրամանն ուղարկել Հայաստանի Հանրապետության գլխավոր դատախազի տեղակալներին, Հայաստանի Հանրապետության գլխավոր դատախազության վարչությունների պետերին, ավագ դատախազներին և դատախազին, Հայաստանի Հանրապետության զինվորական կենտրոնական դատախազության բաժինների պետերին և ավագ դատախազներին, մարզերի, Երևան քաղաքի, Երևան քաղաքի վարչական շրջանների և կայազորների զինվորական դատախազներին, Հայաստանի Հանրապետության դատախազության գլխավոր քարտուղարին, Հայաստանի Հանրապետության գլխավոր դատախազի խորհրդականներին ու օգնականներին, «Արդարադատության ակադեմիա» ՊՈԱԿ-ին, Հայաստանի Հանրապետության դատախազության «Օրինականություն» գիտագործնական պարբերականի խմբագրական խորհրդի անդամներին:



Ա.ՎԱՐԴԱՊԵՏՅԱՆ